

報日環循

西曆一千八百八十四年八月廿八號

[illegible]

各公司股份行情

香港上海銀行	每股現值價	每百員加百二十員
香港澳輪船公司	每股現值價	加四十二員
洋子保險公司	每股現值價	壹百三十五兩
安泰保險公司	每股現值價	一百四十八兩
香港火燭保險公司	每股現值價	三百四十員
香港大酒店公司	每股現值價	銀壹百四十五員
烏純火車糖局公司	每股現值價	銀八十九員
中朝一千八百七十四年	貸款每股	無加減
中朝一千八百七十八年	貸款每股	無加減
印度中國輪船公司	每百員減	七員五
香港煤氣公司	每股現值價	八員
中國小呂宋輪船公司	每百員減	十員
香港及中國麵餉局	每股現值價	銀壹百員
黃埔船塢公司	每百員加	五十八員
中外保險公司	每股現值價	六十六員
於仁保險公司	每股現值價	五百五十員
那千拿保險公司	每股現值價	一千四百兩
華商保險公司	每股現值價	壹百九十員
諫當保險公司	每股現值	九十員
中華火燭保險公司	每股現值價	六十五員
中國火車糖局公司	每股現值價	一百一十三員
香港雪廠公司	每股現值價	銀一百四十員
中朝一千八百七十七年	貸款每股	無加減
中朝一千八百八十一年	貸款每股	無加減

兩廣總督臣張樹聲廣東巡撫臣倪文蔚跪 奏爲分別舉劾以風僚屬而儆官邪恭摺仰祈 聖鑒事竊惟爲治之要首在得人欲察吏以安民必循名而責實粵東吏治煩重仕途猥雜病在體艱臣樹聲自去年回任監司以下皆隨時彈劾未嘗少有寬假臣文蔚到任以來抑躁進下浮華持廉法之大綱略趨承之小節博訪輿論慎察本末與臣樹聲別屬吏之賢否考職事之勤怠參以見聞公同藩臬兩司互相質証其貪縱枉法及闖茸無能者固不可稍事姑容其才猷幹練操行廉潔者亦宜亟示表異始足鼓舞人才相應分別舉劾開具清單恭呈 御覽臣等亦不敢爲荐舉諸員驟乞 恩施第庸劣不職者既以次降黜而邊隅小臣但有治狀可紀俱得以上達 宸聰庶羣知感奮爭自琢磨官方可期澄叙而吏治漸蒸蒸日上矣除將參劾人員所遺各缺遵照新章分別應否應留另行咨部查照外所有分別舉劾緣由謹合詞恭摺具陳伏乞 皇太后 皇上聖鑒訓示謹奏奉 旨已錄

廣東巡撫臣倪文蔚跪奏為查明四月分雨水田禾糧價及順德縣屬被風查勘撫恤情形恭摺具陳仰祈 聖鑒事竊照廣東省光緒十年三月分雨水田禾糧價情形先經臣恭摺奏 聞在案茲查廣東省城光緒十年四月分上中下三旬得有大小雨澤十餘次高低田畝積水充盈早禾秀發園蔬雜糧亦皆暢茂省外各屬稟報與省城大路相同糧價較上月稍增民情安謐堪以仰慰 聖懷惟廣州府順德縣屬於本年四月初一日申刻時候陡起颶風兼以暴雨約半時之久旋即息息民間祠宇均多倒塌人口亦多傷斃並有覆溺船隻情事臣接據該縣稟報當即飭司委員馳往會同該縣親詣被風處所查勘明確據實稟覆辦理茲據委員候補知縣清安會同該署縣鄭葵查明此次被風各鄉共計倒塌民房祠宇八百餘間傷斃溺斃男婦共九十餘名口沿河覆船共二十餘隻其餘吹損尚未倒塌之房屋及人口被傷者亦復不少現經分別撫恤一面督飭各鄉紳董將傷斃人口先行殮埋其被傷男婦亦即逐一醫治並將房屋趕緊修復以資棲止幸田禾甫經插蒔尚無損傷等情稟覆前來臣伏查此次順德縣屬被風各鄉受傷甚重亟應妥為撫恤以免失所除飭該縣認真撫恤將辦理事宜隨時稟報通飭各屬查明有無同時被風分別具報外所有光緒十年四月分雨水田禾糧價及順德縣屬被風查勘撫恤情形臣謹恭摺具奏並繕糧價清單敬呈御覽伏乞皇太后皇上聖鑒謹奏奉旨已錄

七月 初四 日 督撫 憲轅 報 候補 同知 王鴻 鈞稟

水東原屬丁母憂卸辦回試用同知格通額候
丞李九波候補經歷朱式楨俱稟知赴藩庫
京餉清遠縣羅燁稟到補用縣王炳如周爾珍
知縣王琦藩俱稟知在府署閱卷畢從九品吳
稟到由長洲廠回豐順縣趙培蘭稟謝開缺改
辭○七月初三月初四日 督憲武弁報報
提標後營遊擊豐壽右哨領外方保清俱稟辭
補用遊擊楊必仁稟辭往瓊州補用副將戴恒
到解河口厘金來省稟呈履歷補用參將李運
到廣西來清遠營遊擊江志稟呈履歷

自貽伊戚 西門城闢向多住眷名曰大園其中良莠混淆竊維處非款悉其間徑者輒以辨別也聞前數日午候有一少年羸屨轉持遍身繼絲面帶醉容意欲尋花間柳藉遣芳辰到此街中見有門戶虛掩即行闖入豈期快入桃源即有男子聞聲追出立即將其繫繫少年自知錯悞欲脫不能百般哀懇猶不允肯隨至廟中眾目共覩少年惟俯首無詞任人唾罵而已後有識者知爲某店少東遂出而力爲排解補以花紅始將釋放此亦可爲好尋私窩者戒○十載空還 城西某甲住于吉祥坊居賤食貧小販餬口曾經娶婦生有子矣某以食指日繁嗷嗷數口衣食難週前十餘年有招人往檀香山貿易或種植果木者甲聞其獲利僭從遂典賣其屋得數十金隨人招往別母離妻各自分袂由是艱苦備嘗沐雨櫛風已逾十載豈期終日徒勞米珠薪桂且其工值亦屬無幾迴念高堂白髮殊深防貽之思遂買檀香港作鳥倦知還之想詎船抵港後所携之貲祇餘洋銀三圓及至回省而隻手空還身外別無長物幸其母無恙差堪告慰耳現仍有販爲生逢人告訴謂在粵省可謀生理者亦切不宜往檀香山云○因案被押 開平縣廳有甄姓者因其鄉內命案控縣審訊未獲判結有等謂其把持訟事將其解案入稽囹圄已閱多年現其母愛子情深欲求保釋前日赴撫轅欄輿遞稟倪中丞批云查氏子甄阿洪雖原控無名惟縣差稟其有在鄉把持情事與實在案外無干有別經廣州府會局申覆在案所請行府察釋暫緩置議但此案提省多年延不究結徒令一千人誣久受拖累情殊堪憫仰按察司飭府會督讞局員細核案情赴就已到人証虛衷研鞫究確按擬詳辦勿再泄延粘抄並發

招商局與商公局 竊謂天下事有道不議不平則鳴近招商局驟售與美國旗昌洋行勢難禁人之不議勢難使人之不鳴也夫招商船局創始於同治十二年曾經李傅相專摺奏明招商辦理由官維持所謂維持者善慮商人資本不足故撥運漕米撥借官帑極力助之其官帑分年繳還生意盈虧與官無涉

准在案其爲商辦之局明矣是以合數百輩之力釀數百萬之金製造輪船三十餘號就建碼頭二十餘處近通閩粵楚皖吳越燕齊各省遠遠日本呂宋新嘉坡各國轉運漕糧裝載傳遞公文迎送官商包攬貨物實開中國五千餘年未有之創局不獨僅分洋人利權已也辦理已逾十載官帑已繳還百萬有奇除一切動用及每年分派官利一分外尚餘數十萬理未爲不善我衆商咸謂此局當與國家莊億萬之久而奠磐石之安矣孰料變生倉卒于本年閏月初十日陡將全局售與美國旗昌洋行得價五百二十五萬迅雷不及掩耳我惟有徒喚奈何耳其初疑爲中法交涉一案和戰未定要啟兵戎各輪船慮有疎虞暫行押與洋人故爲此舉未嘗不可奉行迨探得確音乃係和盤托出並訂約二十年又云二十五准中國里立招商名目嗟嗟經營十餘年貲財數百萬一旦委而棄之有如敝屣按該局曷定章程原係商辦奏明在案何得獨行獨斷一手把持驟將全局敗壞若售與我中國之人楚弓楚得乃竟售與外國洋人復是當時售於我之旗昌將國體之謂何言之令人髮指況所立之約其價欸五百二十五萬議分六年攤交絕不言息眼見數百萬血貲六年中子毫俱無本銀亦恐難全璧以歸查當日歸併旗昌之時亦屬分年攤交立約之日即定千金何以前後事出兩歧不如法炮製至保險公司所存七十萬之數亦虛懸無着以至各商連局鼓噪實屬不成事體謀人家國者乃如是乎當事者不知是何肺腑即不恤衆商之失望獨不慮外洋之騰笑耶試思從此轉售洋人後凡轉運漕米裝載軍火等件在在動形掣肘何以處之至我衆商中貧富不齊有力之家信此變動雖悲憤尙無大害惟有無力之家全仗每年所得藉此爲餬粥之費者有之抑挹彼注茲者有之忽自有而無諸多窒礙誠恐命之虞則所關匪細矣逼得將一切情形痛切縷陳伏祈登入報中使中外共聞共見俾咸知局總作事之乖謬衆商失業之徬徨且待公評不勝私禱 說見申報

團練集捐示 欽加二品頂戴調補天津府正堂紀鑑八次汪爲出示曉諭事照得海疆多事亟宜思患預防本府接奉憲劉欽奉諭旨飭辦團練業經邀集城鄉公正紳士妥議越日舉行藉衛閭閻而伸敵愾茲蒙團練總局紳士等公同悉心商酌妥爲協議立定章程其經費一條查照捐輸義館舊章抽收舖戶房租一個月由房主認捐房客繳錢最爲公允除派明書差同地保挨戶清查造冊再由紳董覆查外合亟出示曉諭仰各舖戶知悉爾等雖繳房租一月係出自房主與該舖房客絲毫無所增加務須將每年租錢實數呈驗賬目不得扶同徇隱致干究罰各宜凜遵切切特示○踴躍

海防吃緊以來金陵之堅旗號召者前後有南字等十餘管頃又由上元縣出示召募謂奉台灣兵備道劉觀察札招五六百人先由此處挑選募名軍籍後即給與赴臺其口糧盤費號衣一切皆須到臺再發如果有人材精壯斷不致空勞惟臺灣地炎瘴重雨霽烟人人視為畏途故應募者不似從前之聞風踴躍也○瓊海紀事 有客在瓊州賃戰事孔亟選同穗垣據稱目下瓊地軍務視前月益覺緊縮海口險要處道憲日夜梭巡各處兵丁業已布置停妥城設營壘甚多刁斗聲聞徹夜不息日前由省駛到小火船數艘在海面往來探聽道憲更諭令各鄉舉辦民團前日調城逐一校閱犒賞優渥歡呼震天至所有控案則實緣戎馬倉皇不能依期判斷云又聞十九日有水雷十二具由省以備禦敵之用○武備克修 刻下法兵艦寄旋三隔水者惟德利用芳格拉克兩艘據傳德利用芳上法兵不及五其中可臨陣者一百二十名格拉克上可臨陣者惟數十人中國駐守之兵輪鐵甲多至十餘艘南瑞南琛龍驤虎威策電澄澄登瀛洲測海威靖靖遠開濟各兵艦均堅精靈捷不可當加以曹軍門日久訓練之慶軍并砲臺前之砲日又增劉方伯之毅軍如虎如龍足稱勁旅以此嚴防密禦彼法人猶不自量力輕啟費端真可謂駭不畏死者矣

勇營宜懲 閩友書來云十五日午刻有勇至馬路街買葛屨與店主口角相辱不甘回營糾集同哨兵數十名前往毆辱傷店主手臂鄰里不平因之罷市將店主扛赴營門聲請驗辦頃刻間蟻聚蜂屯以千百計喧嘩之聲聞及數里首府兩縣各協鎮聞報俱出城調停至二鼓後維岳尊將兇手某勇帶回縣署究辦衆始解散聞之勇於私鬥者必怯於公戰若該勇之作橫鄉里動輒尋仇是安民適以殃民矣爲之上者曷其奈何弗察○舊部從軍 兩江督標有韓春浦者四川人曾隸鮑爵帥麾下以勇敢爲爵帥所賞現已保至副將前出山海關時曾領偏師當長松谷之衝舉長城內外無不仰程不識之刁斗森嚴自歸標後弛弦弢甲雖名爲期門依飛而將軍無用武之地錢消白打槍臥綠沉困於霸陵醉尉之呵故將軍宿亭下者屢矣猶賴舉案孟光差堪慰藉解圍道韞不外溫存當年之聯寨夫人實專閫之賢內助也上年忽抱鼓盆之戚膝下麟兒年已無勺自顧班定遠無封侯相今卽無悔教夫婿竟封侯之人轉督南北東西可以惟吾所欲有問之者輒曰男兒何以家爲蓋見法越有弊故躍躍欲試也現鮑爵帥已奉會辦雲南軍務之命飛飭舊部於七月內振旅出關故韓君奉令後卽束裝就道定於七月初先到爵帥夔州故里以便隨卽赴防金陵與韓有舊者悉賦擊鼓其鏜踴躍用兵爲淮陰侯祖儀江干云

小志 茲探得某法兵船於前月三十日下午續行開出中國南琛靖遠兩兵船隨往虎威策電金甌三鐵艦於昨晨移泊砲臺首西開濟威靖南端登瀛洲測海五兵昨日下午十二點鐘潮漲時亦即啟輪與三鐵艦全泊龍巖飛霞及浮水炮臺仍守張華又探悉三十晚炮臺忽接警電曹統領即致書大關貨捐房連夜僱船器用財賄一行裝載而泊舟溫草澳內大關委員於昨日黎明乘馬車赴滬謁見道憲該鎮人均然至昨午亦無動靜正不知是何舉動也吳淞昨又有中國兵船六艘到口泊近砲臺共有華船十二艘云又聞德國某船擬於昨日下午開行不知何往說者謂該船有緊要信息然外人未知其詳昨日下午接滬口電報知該處並無一法船矣德兵有學習少年四十人已死其二而溺其一○福州電音 初六日福州發來電音言用鐵艦以攻白炮台守台華軍見之即用炮轟擊法船不能抵禦大敗而遁

欽使行旌 西歷七月二十五日倫敦電報云中國駐美日秘三國欽使王韓京卿現已由美國都城華盛頓啟行前往秘魯辦理公幹矣按旅秘華民前因秘廷出有新例甚爲不便稟呈京卿移咨秘廷以徐苛例今憲駕賓臨想亦因此事而來也相彼華民當亦仰瞻丰采而欣欣然有喜色哉○日使未至 西歷七月二十五日倫敦電報云日本新派駐劄倫敦公使家華氏計其奉命現已迄三閱月矣猶未見至何遲遲其行也○王子漸疾倫敦電報云前著日本王子治苴思加在美國附搭火車因車出軌道致傷厥手現聞延三折其肱之醫已奏效於一手之烈雖未能措手自如亦覺束手無慮矣○法兵多病 倫敦電報云現聞法人因其國在東京之兵病傷甚衆幾致不能成軍特命李柯尼高羅運軍船由其屬國亞路渣尼亞處載運軍兵前往東京俾補其缺乏而將病傷之兵載回國中調理云噫法以殘暴屢擾於人天卽以疫鬼屢擾其國惡以惡報其斯之謂歟○華緞流行神戶信息謂中國所出之緞現甚流行於日本蓋日人以其適用而喜購之也計每年入口者約值銀一百五十萬圓日本技藝局欲自擅其利特講求製造之法以步其後屢未悉孔明木牛流馬之術司馬仲達否能窺其奧妙也

火船前往小呂宋

啟者本行有火船壹隻名衣妹準期於本月初八日下午五點開行前往小呂宋如貴客欲附貨搭船者請至本行面議

七月 初五日 仲廉美地行謹啟

能庇波架星往前
 厘士約七月初十日開行前往星架
 波庇能倫敦蘇士
 貴客欲附貨搭船
 者請至本行面議
 七月初四日
 太古洋行謹啟

火船壹名吳淞改
七月初八日開行
往砵撈云谷富昆士蘭
厘士濱雪梨梨厘半島
倫新金山等 貴客搭
附貨者水脚相宜艙位
好祈請至本號面議是
此佈 六月十二日
香港上環南泰號謹啟

啟者本行有
火船壹隻多
吳淞改期於
七月初八日開行
前往雪梨
玃云新金山等
貴客欲付貨搭船者
請至本行面議
甲申年六月十壹日
太古洋行謹啟

房藥大氏臣魁

本局自道光廿三年在港開張，發售丹丸散藥，馳名遠近。馳名因有假冒，故特稟准用龍麟作塔為記，庶免弊混。貴客賜顧，祈細認每藥有貼印紅黃黑三色龍麟作塔招牌，方是真貨。至告白尾所印之樣，未設顏色，不過當續呈覽。矣

原創一在香港中環泉憲署斜對門 一在英京及出治大街

後一在粵城外沙基大街 一在上海英大馬路

續一在粵城內惠愛七約 一在福州南台廣東會館隔鄰

分一在佛山北勝街 一在漢口洋街一碼頭後便

枝一在小呂宋橋頭 一在澳門大街

一在天津紫竹林 一在廈門島美街

一在汕頭永和街 一在京都正陽門外大柵欄門樓胡同

屈臣氏謹啟

新書

擊節歎賞，惜此書業已售盡。然蒙列君屢次問詢，郵寄採故，小店不計工本，重行排印。其篇幅較前增益有五分之二。全書之旨，專取其淺而易明。字典中有分中外，用意虛實字義，通商指南中則從字母論起，凡交接言詞貿易，散語生意告白，往來書信，官場文書，中外稅則等，無不賅備。悉係華英合璧，實初學之寶船也。倘諸君欲採買者，先親為快矣。現有新出縮板及各款書籍，直行康熙字典，明晰精細，佩文韻府，小題真珠船，小題文獻四書，味根錄，南巡盛典，各種畫譜等書，皆治通鑑，武備志，唐土名勝圖，元明清史，清史，史覽要，三國全圖，演義格物化學等書，各國地理全圖，安南地圖，全圖，並有花旗燕窩，生清胃補丸，各種藥水，英國何老藥丸，藥膏，法國清甜藥水，紀丁咳片，發售已上各種之藥，奇妙未能細及，價格相宜。諸君欲賜顧，請至香港文咸街荷李活道文裕堂華英書店便是。本堂並無分別店，特此佈聞。光緒十年六月十四日 香港文裕堂謹啟 上

舊東藩匯理銀行白

新交與辦理，攤數人俾得換轉，單票壹張，註明所交銀紙員數若干，以便登記，存有銀紙者，須要填寫格式紙壹張，內列明銀紙員數若干，及號數，暨給發日期，統交與承辦攤數人查核，其格式紙則存在皇后大道該銀行處，欲取者，即至領給可也。此佈

甲申年 六月 十五日

舊東藩匯理銀行攤數人之代理人 勿臣啟 麥拿